



Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj:35/05), člana 6. Pravilnika o kriterijima, uslovima i postupku za odobravanje jednokratne novčane pomoći članovima branilačkih kategorija ("Službeni glasnik Unsko-sanskog kantona", 25/21), i Odluke Vlade Unsko-sanskog kantona o usvajanju Programa utroška sredstava Tekućih grantova pojedincima, Grantovi pojedincima- pomoć u liječenju i lijekovima boračkoj populaciji, pomoć za školovanje i za socijalno ugrožene boračke populacije, utvrđene Budžetom za 2023.godinu Vlade Unsko-sanskog kantona broj: 03-02-2190-157/2023 od 05.05.2023.godine, ministar Ministarstva za pitanja boraca i ratnih vojnih invalida, objavljuje:

J A V N I P O Z I V

Za podnošenje zahtjeva za ostvarivanje prava na dodjelu jednokratne novčane pomoći za liječenje, redovno i vanredno školovanje i zbog lošeg općeg imovnog stanja iz Budžeta Unsko-sanskog kantona Ministarstva za pitanja boraca i ratnih vojnih invalida Unsko-sanskog kantona za 2023.godinu.

I.

Predmet Javnog poziva

Predmet Javnog poziva je dodjela jednokratne novčane pomoći u vidu:

- a) liječenja,
- b) redovnog i vanrednog školovanja,
- c) zbog lošeg općeg imovnog stanja.

- iz sredstava utvrđenih u razdjelu 16 ekonomski kod 614200 Budžeta Unsko-sanskog kantona za 2023.godinu ("Službeni glasnik Unsko-sanskog kantona" broj: 06/23), Ministarstva za pitanja boraca i ratnih vojnih invalida Unsko-sanskog kantona.

II.

Korisnici prava

Pravo na dodjelu jednokratne novčane pomoći za liječenje, redovno i vanredno školovanje i zbog lošeg općeg imovnog stanja, imaju lica koja pripadaju kategoriji boračkih populacija odnosno lica koja imaju priznat status u skladu sa Zakonom o dopunskim pravima branilaca i članova njihovih porodica, Zakonom o pravima branilaca i članova njihovih porodica i Zakonom o posebnim pravima dobitnika ratnih priznanja i odlikovanja i članova njihovih porodica.

Korisnik prava ima pravo na dodjelu jednokratne novčane pomoći samo po jednom osnovu iz tačke I. ovog Javnog poziva.

III. Kriteriji

Odobravanje sredstava iz tačke I. ovog Javnog poziva vršit će se u skladu sa slijedećim kriterijima:

1. za jednokratnu novčanu pomoć za liječenje
 - a) težina i priroda bolesti,
 - b) visina sredstava potrebnih za liječenje,
2. za jednokratnu novčanu pomoć za redovno i vanredno školovanje
 - a) troškovi nastali uslijed redovnog i vanrednog školovanja,
 - b) materijano-socijalni status članova porodice,
 - c) nezaposlenost podnosioca zahtjeva i članova uže porodice,
3. za jednokratnu novčanu pomoć zbog lošeg općeg imovnog stanja
 - a) materijano-socijalni status članova porodice,
 - b) broja nezaposlenih članova uže porodice
 - c) težina socijalne ugroženosti podnosioca zahtjeva i članova domaćinstva.

IV. Dokumentacija

Uz zahtjev obavezno treba priložiti osnovnu i posebnu dokumentaciju.

- a) Osnovni dokumenti
 - Kopija rješenja o statusu ili uvjerenje o statusu.
 - Dokaz o mjestu prebivališta/boravišta podnosioca prijave (Uvjerenje CIPS);
 - Kopija tekućeg računa banke ili ovjerena potvrda banke sa brojem tekućeg računa podnosioca prijave;
 - Kućna lista
- b) posebni dokumenti
 1. jednokratna novčana pomoć za liječenje
 - Medicinska dokumentacija izdata od ljekara odgovarajuće specijalnosti sa dijagnozom i kontinuitetom liječenja ne starija od godinu dana;
 - Po potrebi i ostali dokumenti (račun sa specifikacijom kupljenih lijekova, račun o kupljenoj medicinskoj opremi, računi o obavljenom operativnom zahvatu, dr...);
 2. jednokratna novčana pomoć za redovno i vanredno školovanje
 - Dokaz o nezaposlenosti: Uvjerenje da se podnositelj zahtjeva i punoljetni članovi uže porodice nalaze na evidenciji Službe za zapošljavanje (za nezaposlene) ili ukoliko se ne vode na evidenciji JU Službe za zapošljavanje – BIRO dostavlja se uvjerenje Porezne uprave iz Jedinstvenog sistema da nisu prijavljeni po osnovu radnog odnosa
 - Za zaposlene - dokaz o visini primanja po osnovu radnog odnosa,

- Dokaz da li podnositac zahtjeva i punoljetni članovi uže porodice ostvaruju primanja po osnovu boračko-invalidske zaštite, PIO/MIO, centra za socijali rad, samostalne djelatnosti i drugih osnova;
- Uvjerenje obrazovne ustanove o upisu u tekuću školsku godinu podnosioca prijave ili član uže porodice;
- Račun sa specifikacijom usluga o visini troškova školovanja za tekuću školsku godinu, kao i račun o troškovima nabavke školske opreme;
- Po potrebi i ostali dokumenti.

3. jednokratna novčana pomoć zbog lošeg općeg imovnog stanja

- Dokaz o nezaposlenosti: Uvjerenje da se podnositac zahtjeva i punoljetni članovi uže porodice nalaze na evidenciji Službe za zapošljavanje (za nezaposlene) ili ukoliko se ne vode na evidenciji JU Službe za zapošljavanje – BIRO dostavlja se uvjerenje Porezne uprave iz Jedinstvenog sistema da nisu prijavljeni po osnovu radnog odnosa
- Za zaposlene - dokaz o visini primanja po osnovu radnog odnosa,
- Dokaz da li podnositac zahtjeva i punoljetni članovi uže porodice ostvaruju primanja po osnovu boračko-invalidske zaštite, PIO/MIO, centra za socijali rad, samostalne djelatnosti i drugih osnova
- Uvjerenje obrazovne ustanove za djecu stariju od 18 godina ukoliko studiraju ili pohađaju srednju školu;
- Po potrebi i ostali dokumenti.

Tražena dokumentacija predaje se u originalu ili kao ovjerena fotokopija, te ne može biti starija od šest mjeseci.

Javne isprave koje je u propisanom obliku izdao strani državni organ, podnositac zahtjeva je dužan da takve isprave prevede na jedan od jezika koji se koristi u upotrebi na području Bosne i Hercegovine.

V. Ograničenje prava

Jednokratna novčana pomoć se ne može odobriti u slučajevima :

- a) ukoliko se zahtjev za liječenje odnosi za banjsko liječenje (medicinska rehabilitacija) i nabavku ortopedskih pomagala.
- b) ukoliko je ponesen zahtjev za redovno i vanredno školovanje, a ostvareno je pravo na stipendiju/subvenciju iz Budžeta Unsko-sanskog kantona (u daljem tekstu : Kanton) za tekuću budžetsku godinu odnosno akademsku godinu ili ako je ostvareno pravo na novčanu pomoć za redovno ili vanredno školovanje, od strane grada/općine po mjestu prebivališta/boravišta ili od strane Ministarstva obrazovanja, nauke, kulture i sporta Unsko-sanskog kantona.
- c) ukoliko je zahtjev podnesen zbog lošeg općeg imovnog stanja, a podnositac zahtjeva je korisnik prava na egzistencijalnu naknadu ili novčanu načnadu čija sredstva se isplaćuju iz federalnog odnosno kantonalnog budžeta.

VI. Podnošenje zahtjeva

Zahtjev za ostvarivanje prava na dodjelu jednokratne novčane pomoći, podnosi se Odjeljenju za boračko-invalidsku zaštitu prema mjestu prebivališta podnosioca zahtjeva, kao prvostepenom organu, dok lice koje nema prebivalište odnosno boravište na području Unsko-

sanskog kantona, a ostvarilo je povratak u gradove/općine Banja Luka, Prnjavor, Srbac, Prijedor, Bosanski Novi, Kozarska Dubica, Gradiška i Laktaši, pod uslovom da im je priznat status na osnovu konačnog rješenja nadležnog organa, izdatog u skladu sa važećim federalnim propisima iz oblasti branilačko-invalidske zaštite ili rješenja o priznatom statusu u skladu sa odredbama Zakona o dopunskim pravima branilaca i članova njihovih porodica, zahtjev podnosi Odjeljenju za boračko-invalidsku zaštitu, najblžem mjestu prebivališta podnosioca zahtjeva, kao prvostepenom organu, odnosno Odjeljenju za boračko-invalidsku zaštitu putem kojeg ostvaruje prava iz oblasti boračko-invalidske zaštite.

VII.

Preuzimanje zahtjeva i način podnošenja zahtjeva

Obrasci zahtjeva sa potrebnom dokumentacijom mogu se preuzeti u prostorijama Odjeljenja za boračko-invalidsku zaštitu.

Zahtjevi po Javnom pozivu podnose se Odjeljenju za boračko-invalidsku zaštitu prema mjestu prebivališta podnosioca zahtjeva.

Ministarstvo nema obavezu vraćanja predate dokumentacije.

VIII.

Trajanje Javnog poziva

Javni poziva za podnošenje zahtjeva za ostvarivanje prava na dodjelu jednokratne novčane pomoći ostaje otvoren tokom cijele godine odnosno do raspoloživih sredstava Ministarstva za pitanje boraca i ratnih vojnih invalida Unsko-sanskog kantona.

Broj: 12-11-4984-1 /2023
Bihać, 10.05.2023. godine



MINISTAR

Esad Bašagić, dipl.oec